

PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG

08 MAC 2019

JUMAAT



AKHBAR	TAJUK BERITA	M/S
KOSMO	30 SAKIT DADA HIDU GAS METANA	2
UTUSAN MALAYSIA	SISA KIMIA : 35 SESAK NAFAS, MUNTAH , PENGSAN	3
UTUSAN MALAYSIA	BUANG TOKSIK DALAM SUNGAI	4
UTUSAN MALAYSIA	PERMAISURI JOHOR LAWAT MANGSA	5
SINAR HARIAN	SERAP BAHAN KIMIA ELAK MEREBAK	6
HARIAN METRO	METANA BUAT PENGSAN	7
HARIAN METRO	ANGKARA LORI TANGKI	8



KOSMO

Bahan kimia tersebar daripada aktiviti pencemaran sisa buangan di Sungai Kim Kim

30 sakit dada hidu gas metana

Oleh SHARKAWI LONDING

PASIR GUDANG - Seramai 35 mangsa dikejarkan ke hospital selepas terhidu bau sisa buangan berjadual dipercayai bahan kimia jenis metana yang dibuang di Sungai Kim Kim, Taman Pasir Putih di sini semalam.

Dalam kejadian pukul 9 pagi itu, tiga mangsa iaitu dua pelajar dan seorang pekerja kantin Sekolah Menengah Kebangsaan (SMK) Taman Pasir Putih dilaporkan kritikal dan kini ditempatkan di Unit Rawatan Rapi (ICU) Hospital Sultan Ismail (HSI), Johor Bahru.

Pengerusi Jawatankuasa Kesihatan, Alam Sekitar dan Pertanian negeri, Dr. Sahrudin Jamal berkata, dua lagi mangsa iaitu staf Jabatan Alam Sekitar (JAS) dan staf Klinik Kesihatan Pasir Gudang ditempatkan di Zon Kuning iaitu bagi kategori separa kritikal.

"Setakat ini seramai 35 mangsa berusia antara tujuh hingga 40 tahun terlibat yang mana 21 dirawat di HSI, enam dirawat di Klinik Kesihatan Pasir Gudang dan tiga ditempatkan di Klinik Kesihatan Penawar.

"Dua mangsa iaitu pelajar se-



ANGGOTA dari Pasukan Unit Bahan Berbahaya (Hazmat) mengambil sampel air di lokasi pembuangan bahan-bahan sisa buangan di Sungai Kim Kim, Pasir Gudang semalam.



SALAH seorang pelajar yang menerima rawatan selepas mengalami sesak nafas akibat terhidu gas metana di SMK Taman Pasir Putih, Pasir Gudang semalam.

kolah dan pekerja kantin diberi bantuan pernafasan selepas mereka mengalami sesak nafas dan muntah-muntah," katanya pada sidang akhbar di HSI di sini semalam.

Sahrudin berkata, maklumat awal daripada orang awam mendapati mereka ada ternampak sebuah lori tangki membuang sisa buangan di kawasan pembinaan jambatan di Sungai Kim Kim pada malam kelmarin.

Jelasnya, bahan buangan itu kemudiannya mengalir ke arah hilir sungai sejauh 1.5 kilometer daripada tempat sisa buangan dibuang.

"Sepanjang sungai ini terdapat dua buah sekolah iaitu SMK Pasir Putih dan Sekolah Kebangsaan Pasir Putih.

"Pelajar-pelajar mula mengadu terhidu bau gas dan muntah-muntah kira-kira pukul 9 pagi sebelum mereka diarahkan

berkumpul di kawasan padang sekolah.

Sahrudin berkata, sehingga kini pihaknya masih menyiasat dan melakukan pencegahan dengan meletakkan 'oil boom' bagi menyerap bahan sisa buangan daripada terus merebak.

Jarak antara kawasan sekolah dengan tebing Sungai Kim Kim ialah kira-kira 500 meter.

Sementara itu, Pengarah Jabatan Bomba dan Penyelamat

INFO Kesan gas metana kepada manusia


- Muntah
- Pening
- Loya
- Sesak nafas
- Pitam
- Pernafasan laju
- Hilang keseimbangan badan

Malaysia (JBPM) Johor, Datuk Yahaya Madis berkata, pihaknya masih mengenalpasti jenis bahan kimia yang dibuang, tetapi percaya ia adalah bahan mudah terbakar.

"Pihak forensik juga sudah mengambil sampel air dan tanah di kawasan ini untuk mengetahui jenis bahan," katanya.

Dalam pada itu, Pengerusi Jawatankuasa Pendidikan dan Agama negeri Johor, Aminolhuda Hassan berkata, dua buah sekolah terabit diarahkan tutup buat sementara waktu sehingga kes ini selesai.

Katanya, penutupan sekolah ini melibatkan lebih 1,600 pelajar termasuk guru dan staf sokongan.



UTUSAN MALAYSIA

UTUSAN MALAYSIA • JUMAAT 08 MAC 2019

8/3/2019 - Utusan Malaysia

DALAM NEGERI 5

Sisa kimia: 35 sesak nafas, muntah, pengsan

Oleh ZULHISHAM ISAHAK
pengarang@utusan.com.my

PASIR GUDANG 7 MAC

SUASANA di Sekolah Menengah Kebangsaan (SMK) Taman Pasir Putih dan Sekolah Kebangsaan (SK) Taman Pasir Putih di sini gempar apabila 35 mangsa terhidu sisa kimia yang dibuang di Sungai Kim Kim berhampiran sekolah itu hari ini.

Dalam kejadian pukul 9 pagi itu, kesemua mereka yang terhidu bahan buangan berjadual dipercayai bahan kimia jenis metana termasuk pihak agensi kerajaan yang datang memberi bantuan, dikejarkan ke hospital dan klinik untuk rawatan kecemasan.

Dua daripada mangsa iaitu seorang pelajar dan pekerja kantin SMK Taman Pasir Putih diberi bantuan pembedahan di Hospital Sultan Ismail (HSI) di



SEORANG pelajar yang mengalami sesak nafas kerana dipercayai terhidu sisa kimia dibawa masuk ke dalam ambulans untuk dihantar ke hospital di Johor Bahru, semalam. - UTUSAN/AISHAH MAZALAN

Johor Bahru. Pengerusi Jawatankuasa Kesihatan, Alam Sekitar dan Pertanian negeri, Dr. Sharuddin Jamal Berkata, dua lagi mangsa iaitu seorang staf Jabatan Alam Sekitar (JAS) dan Klinik Kesihatan Pasir Gudang ditempatkan Zon Kuning.

"Pihak kita setakat ini menerima 35 mangsa berusia antara tujuh hingga 40 tahun yang mana 26 dirawat di HSI, manakala yang lain dibenarkan pulang selepas mendapat rawatan pesakit luar.

"Dua mangsa iaitu pelajar sekolah dan pekerja kantin diberi bantuan pembedahan selepas mengalami sesak nafas dan muntah-muntah," katanya dalam sidang akhbar di HSI di sini hari ini.

Terdahulu pelajar-pelajar mula mengadu terhidu bau gas dan muntah-muntah kira-kira pukul 9 pagi sebelum mereka diarahkan berkumpul



SUASANA cemas pelajar dan kakitangan Sekolah Kebangsaan Taman Pasir Putih dan Sekolah Menengah Kebangsaan Taman Pasir Putih yang mengalami sesak nafas dipercayai terhidu sisa kimia.

di kawasan padang sekolah sebelum pihak pengurusan kedua-dua sekolah itu mengarahkan semuanya pulang.

Menurut Sharuddin, sehingga kini pihaknya masih melakukan siasatan dan melakukan pencegahan dengan meletakkan oil boom bagi menyerap bahan

sisa buangan daripada terus merebak.

Dalam pada itu, Pengerusi Jawatankuasa Pendidikan dan Agama negeri, Aminolhuda Hassan berkata, dua buah sekolah itu diarahkan tutup buat sementara waktu sehingga kes selesai.

Bau gas macam getah perangkap tikus

PASIR GUDANG 7 Mac - Penduduk sekitar Taman Pasir Putih dan Kota Masai di sini merasa terancam dan bimbang dengan sisa bahan kimia yang dibuang di Sungai Kim Kim di sini.

Menurut mereka, sungai itu berhampiran dengan kawasan perumahan dan pencemaran tersebut mengakibatkan penduduk tidak selesa selain mula mengalami masalah kesihatan termasuk batuk.

Seorang penduduk, Sahlina Hashim, 42, berkata, mereka terhidu bau kuat seperti bau getah perangkap tikus kira-kira pukul 2 pagi ini sebelum mula

rasa tidak selesa.

Menurutnya, pada pukul 12 tengah hari dia yang juga suri rumah menaruhbungi adiknya yang tinggal berdekatan rumahnya di Kota Masai dan mengadu sesak nafas.

"Pada waktu pagi dia ada hubunginya sahaja dan hanya mengadu mengalami batuk dan tubuh tidak selesa selepas menghidu bau berkenaan,



SAHLINA HASHIM

Apabila menghubungkan saya pukul 12 tengah hari dia menyatakan sesak nafas mengakibatkan saya bergeser ke rumahnya yang terletak tidak jauh dari kediaman keluarga saya.

"Apabila tiba ke hadapan rumah, saya terkejut melihatnya rebah dan saya segera membawanya ke Unit Kecemasan Hospital Sultan Ismail (HSI) di Johor Bahru serta adik yang masih menerima rawatan," katanya ketika ditemui di sini hari ini.

ANGGOTA Hazmat mengambil sampel air di lokasi pencemaran sisa kimia di Sungai Kim Kim, Taman Kota Masai, Johor Bahru, semalam.

Siasat siapa buang sisa kimia - Exco

PASIR GUDANG 7 Mac - Kerajaan negeri sedang menyiasat kemungkinan sisa kimia yang didakwa dibuang dari sebuah lori tangki ke dalam Sungai Kim Kim menjadi punca pencemaran gas metana di kawasan sekitarnya.

Pengerusi Jawatankuasa Kesihatan, Alam Sekitar dan Pertanian negeri, Dr. Sahrudin Jamal Berkata, berdasarkan maklumat awal, ada orang awam ternampak sebuah lori tangki membuang bahan mencurigakan dipercayai sisa kimia di kawasan pembinaan jambatan di sungai tersebut malam semalam.

Menurutnya, bahan itu kemudiannya mengalir ke arah hilir sungai sejauh 1.5 kilometer daripada tempat sisa buangan dibuang.

Jabatan Alam Sekitar (JAS) dan Pasukan Unit Bahan Berbahaya (Hazmat) bomba sedang bekerjasama menyiasat kejadian itu.

"Kalau kita tahu siapa yang membuang sisa kimia itu, kita boleh dakwa di bawah Seksyen 34B, Akta Kualiti Alam Sekeliling 1974 di mana denda maksimum RM500,000 dan penjara tidak melebihi lima tahun," katanya ketika dihubungi di sini hari ini.

Terdahulu, seramai 1,600 pelajar dan guru dari Sekolah Kebangsaan (SK) Pasir Putih dan Sekolah Menengah Kebangsaan (SMK) Pasir Putih diarahkan pulang ke rumah selepas seorang pelajar didapati pengsan manakala beberapa yang lain mengalami muntah.



UTUSAN MALAYSIA

BIL 57 TAHUN KE-55 ■ PP362/12/2012 (031409) ■ RMI.50 (SEMENANJUNG/SABAH/SARAWAK)

MINDA RAKYAT 1939-2019

UTUSAN MALAYSIA

JUMAAT 08.03.19 1 REJAB 1440

3 kritikal dirawat di ICU, 21 masuk wad

BUANG TOKSIK DALAM SUNGAI

BERITA DI MUKA 5



ANGGOTA Pasukan Unit Bahan Berbahaya (Hazmat) mengambil sampel air di Sungai Kim Kim, yang dicemari pembuangan bahan toksik di Taman Kota Miskal, Pasir Gudang, Johor Bahru, semalam yang menyebabkan murid sekolah sesak nafas (gambar atas). - UTUSAN/ NUR AISYAH MAZALAN

- » Penduduk saksi sebuah lori tangki membuang sisa toksik di Sungai Kim Kim, Pasir Gudang di Johor Bahru.
- » Tiga mangsa kritikal dirawat di ICU, lima di unit kecemasan dan 18 di wad Hospital Sultan Ibrahim.
- » Dua sekolah yang hanya 500 meter dari sungai, diarah tutup sementara.
- » Kerajaan Johor berikrar akan mendakwa pesalah di bawah Akta Kualiti Alam Sekeliling 1974.
- » Pihak berkuasa masih menyiasat jenis bahan kimia yang dibuang.

SENYUM KAMBING
Bahan toksik dibuang ke sungai punca penduduk sesak nafas.



Mana perginya pemantauan pihak berkuasa?

Dakwa Lim Guan Eng
»8 & 9

- Kenyataan 'lancar perang ke atas bukan Melayu' disifatkan rasis.
- Pelbagai pihak desak Guan Eng didakwa mengikut Akta Hasutan.



Melayu, India bukan pilihan majikan
»6

Kajian Cent-GPS mendapati resume pemohon berbangsa India dan Melayu 'baling' lajur mendapat panggilan majikan sektor swasta.




PPR TAMAN MANGGIS
Penyewa protes tidur di pekarangan Komtar
»10





UTUSAN MALAYSIA

LENSA



PERMAISURI JOHOR LAWAT MANGSA

PERMAISURI Johor, Raja Zarith Sofiah Sultan Idris Shah berkenan melawat 19 mangsa yang dirawat di Hospital Sultan Ismail (HSI), Johor Bahru dipercayai akibat terhidu gas kimia di Taman Pasir Putih, Pasir Gudang, Johor, semalam. Keberangkatan tiba Raja Zarith Sofiah pada pukul 5 petang itu disambut Pengarah Kesihatan Johor, Dr. Selahuddeen Abd. Aziz sebelum baginda melawat kesemua mangsa termasuk tiga daripadanya di Unit Rawatan Rapi (ICU).

Sepanjang lawatan lebih sejam itu, baginda diberi penerangan oleh Dr. Selahuddeen mengenai keadaan semasa setiap mangsa selain bertanya khabar terhadap mereka serta ahli keluarga.



SINAR HARIAN

SINAR HARIAN • JUMAAT 8 MAC 2019

30,000 telur ayam disita 20

Paras air empangan di Johor menyusut 21

Diesel bernilai lebih RM17,800 dirampas 33

Sinar SELATAN

EDISI MELAKA NS JOHOR

EDITOR: HAFEZZULLAH MOHD HASSAN PENOLONG EDITOR: NURBAYA ABUL REZAK, MEGAT ABUL HALIM & JULIANA ROSDI

Serap bahan kimia elak merebak

Guna peralatan khas dikenali oil boom di kawasan terjejas tumpahan

SHAFIQ TINO

PASIR GUDANG



Sungai Kim Kim yang dipercayai tempat berlakunya buangan bahan kimia berkenaan.

Jabatan Bomba dan Penyelamat Malaysia (JBPM) telah meletakkan peralatan khas menyerap minyak (oil boom) di Sungai Kim Kim, Taman Pasir Putih, di sini, bagi mengawal bahan kimia yang dipercayai dibuang di sungai berkenaan agar tidak merebak.

Pengarahnya, Datuk Yahaya Madis berkata, seramai 30 pegawai dan anggota bomba melibatkan Unit Bantuan Perkhidmat-

an Kecemasan (EMRS), Forensik dan Pasukan Unit Bahan Berbahaya (hazmat) telah ditugaskan di lokasi kejadian.

"Kita sudah meletakkan oil boom di beberapa kedudukan sungai yang dipercayai terjejas. Fungsinya adalah untuk menyerap bahan kimia, sekali gus mengelakkannya daripada terus merebak."

"Berdasarkan laporan,

kawasan terjejas melibatkan radius 500m dari sungai sepanjang kira-kira 1.5km ini," katanya.

Beliau berkata demikian ketika ditemui di Pusat Operasi Pembersihan Sungai Kim Kim, di sini, semalam.

Beliau berkata, buat masa ini pihaknya sedang mengenal pasti jenis bahan kimia yang dibuang ke dalam sungai berkenaan.



Yahaya menunjukkan sampel bahan kimia yang diambil.

"Kita masih lagi mengenal pasti jenis bahan kimia yang dibuang tetapi percaya ia adalah bahan mudah terbakar."

Forensik juga sudah mengambil sampel air dan tanah di kawasan ini untuk mengetahui jenis bahan itu," katanya.

Terdahulu, seramai enam pelajar menerima rawatan termasuk salah seorang daripadanya pengsan

apabila kawasan sekolah di Taman Pasir Putih, Pasir Gudang dicemari dengan tumpahan kimia berbahaya yang dipercayai berlaku di sungai berhampiran.

Kesemua mangsa berkenaan melibatkan pelajar dari dua buah sekolah iaitu Sekolah Menengah Kebangsaan (SMK) Taman Pasir Putih dan Sekolah Kebangsaan (SK) Taman Pasir Putih.

Pasukan hazmat dibantu

INFO KEJADIAN

Lokasi: Sungai Kim Kim, Pasir Gudang
Bahan Kimia: Mudah terbakar

Jenis: belum dikenal pasti

Mangsa: 26 pelajar, empat pekerja kantin

Anggota terlibat: 30 orang - unit EMRS, forensik dan hazmat

Bomba dan Penyelamat Pasir Gudang telah bersedia ke lokasi seratus pangkalan.

Memeritahu perkembangan terkini mangsa, Yahaya berkata, seramai 20 mangsa terdiri daripada pelajar dan kakitangan dua sekolah berkenaan telah dihantar ke Hospital Sultan Ismail (HSI) untuk menerima rawatan.

"Setakat ini 11 pelajar sekolah rendah, enam sekolah menengah dan tiga kakitangan sekolah dibawa ke HSI untuk mendapatkan rawatan," katanya.

30 individu terjejas akibat sisa kimia

PASIR GUDANG - Seramai 30 mangsa disahkan terjejas ekoran kejadian pencemaran sisa bahan kimia yang dibuang secara haram di Sungai Kim Kim, Taman Pasir Putih, di sini, semalam.

Exco Kesihatan, Alam Sekitar dan Pertanian, Dr Sahrudin Jamal berkata, kesemua mangsa telah dibawa ke beberapa hospital berhampiran untuk menerima rawatan.

"Seramai 19 orang dihantar ke Hospital Sultan Ismail (HSI), Klinik Kesihatan Pasir Gudang (tujuh) dan Hospital Penawar (dua)."

"Daripada 19 mangsa yang dihantar ke HSI, lapan masih dirawat di Zon Merah iaitu zon kritikal manakala bakiunya di Zon Kuning," katanya kepada Sinar Harian.

Difahamkan, mangsa yang dihantar ke Klinik Kesihatan Pasir Gudang dan Hospital Penawar berada dalam keadaan stabil.

Semua mangsa terdiri daripada 26 pel-



SAHRUDIN

ajar Sekolah Menengah Kebangsaan (SMK) Pasir Putih dan Sekolah Kebangsaan (SK) Pasir Putih, selain empat pekerja kantin berusia antara tujuh hingga 40 tahun.

Mangsa diberikan rawatan susulan mengalami masalah sesak nafas dan muntah-muntah dipercayai akibat bau gas yang kuat.

Menurutnya, pengawasan dan gerakan mengawal kejadian tersebut sedang giat dijalankan dari masa ke semasa.

Beliau berkata, pihaknya memandang serius terhadap isu tersebut selain akan mengenakan tindakan undang-undang kepada pihak yang ditangkap melakukan pembuangan sisa bahan kimia tersebut.

"Kalau kita tahu siapa yang membuang, kita boleh dakwa di bawah Seksyen 34B, Akta Kualiti Alam Sekeliling 1974 di mana denda maksimum RM500,000 dan penjara tidak melebihi 5 tahun," katanya.

Dua sekolah diarah tutup: Exco

JOHOR BAHRU - Kerajaan Johor mengarahkan Sekolah Menengah Kebangsaan (SMK) dan Sekolah Kebangsaan (SK) Taman Pasir Putih ditutup sementara susulan kes pencemaran bahan kimia yang dipercayai dibuang secara haram di Sungai Kim Kim, semalam.

Exco Pendidikan dan Agama Negeri Johor, Aminulhuda Hassan berkata, arahan penutupan sekolah terbabit akan dilaksanakan sehingga keadaan benar-benar terkawal.

"Penutupan sekolah ini melibatkan lebih 1,600 pelajar termasuk guru dan staf sekolangan."

"Kita arahkan semua pelajar pulang dan sekolah ditutup buat sementara waktu sehingga kes ini dapat dikawal," katanya ketika ditemui semasa melakukan lawatan di Hospital Sultan Ismail (HSI), di sini,

semalam. Sementara itu, Exco Kesihatan, Alam Sekitar dan Pertanian, Sahrudin berkata, pihaknya dimaklumkan orang awam ada menempak sebuah lori tangki membuang sisa buangan berjadual di kawasan pembinaan jambatan di Sungai Kim Kim, malam kelmarin.

Jelasnya, bahan buangan kemudiannya mengalir ke arah hilir sungai sejauh 1.5 kilometer daripada tempat sisa buangan dibuang.

"Sepanjang sungai ini terdapat dua buah sekolah iaitu SMK Pasir Putih dan SK Pasir Putih."

"Pelajar-pelajar mula mengadu terhidu bau gas dan sesak nafas serta muntah-muntah kira-kira jam 9 pagi sebelum kesemua mereka diarahkan berkumpul di kawasan padang sekolah," katanya.



HARIAN METRO

14 setempat

08-03-2019

35 >> Bilangan mangsa yang dirawat akibat terhidu bahan kimia

HARIAN METRO



METANA BUAT PENGESAN

35 mangsa termasuk pelajar sekolah dikejar ke hospital terhidu gas kimia

Sisa kimia tumpah dalam sungai

Johor Bahru: Seramai 35 individu termasuk pelajar sekolah dikelapasti mendapatkan rawatan akibat pengesan dan muntah-muntah selepas terhidu tumpahan gas kimia dipercayai metana di sungai berdekatan dalam kejadian di dua sekolah di Taman Pasir Putih di Pasir Gudang, semalam.

Pengarah Kesihatan Negeri Johor, Dr Selahuddeen Abd Aziz berkata bagaimana-mapun hanya 26 orang masih dirujuk di Hospital Sultan Ismail (HSI), sehingga jam 5 petang ini, manakala selebihnya dibenarkan pulang.

"Semua 26 mangsa yang dirujuk ke HSI ketika ini membatalkan 16 pelajar dan 10 dewasa. Darpada jumlah itu 21 dimasukkan ke wad dan lima lagi masih dirawat di unit kecemasan," katanya.

Katanya, tiga yang dirawat dimasukkan ke unit rawatan rapi (ICU) dan mangsa dalam keadaan stabil. "Di antara mereka yang dirujuk ke hospital juga terdapat lima orang mangsa anggota kesihatan tempatan orang dari HSI dan seorang dari Klinik Kesihatan," katanya.

Beliau berkata, Pasukan Perubatan dan Kesihatan dari Pejabat Kesihatan Daerah Johor Bahru, Klinik Kesihatan Pasir Gudang dan Unit Trauma Hospital Sultan Ismail turun ke lapangan untuk menjalankan penilaian dan respon bersama agensi lain yang berkaitan, selain Pasir Gudang Mutual Aid (PAGEMA) di bawah Majlis Perbandaran Pasir Gudang (MPKG) juga diakutikan. "JKN Johor juga akan terus bekerjasama dengan semua

agensi yang terlibat dalam memastikan kesihatan dan keselamatan penduduk adalah terjamin. "Antara tindakan proaktif yang diambil adalah dengan mengelarkan tanda avar kepada klinik kesihatan, klinik swasta, hospital kerajaan dan hospital swasta bagi melaporkan kes yang mempunyai gejala pechy mata, sakit dada dan sesak nafas dan disayit terhidu dan terdedah kepada bahan kimia itu. "Pemanitazan akan diteruskan sehingga tiada kes yang dilaporkan," katanya.



Mohd Sabran Md San, Mary Victoria Dass dan Nurul Ananisa Subahni. am@metro.com.my

Johor Bahru

"Kami memang panik kerana bau sangat kuat tiba-tiba ada yang muntah dan lebih teruk ada yang pengesan," kata seorang pelajar Sekolah Menengah Kebangsaan Taman Pasir Putih, Muhammad, 14. Menurutny, pada masa sama beberapa rakannya juga mengadu loya. "Keadaan memang cemas

kerana pelajar yang pengsan dibawa ke padang," katanya yang ditemui di luar kawasan sekolah berkenaan, semalam.

Muhammad berkata, melihat kejadian itu ramai pelajar yang keluar dari kelas dan menjauhi kawasan sekolah. "Katakan, rakan yang pengsan diberi bantuan oleh anggota perubatan Angkatan Pertahanan Awam (APM) sebelum dibawa ke hospital.

"Saya beryukur kerana tidak mengalami sebarang masalah walaupun terhidu bau berkenaan," katanya kepada Harian Metro. Sementara itu, seorang penduduk di Taman Kota Masai yang terletak berhampiran Sungai Kim Kim, Shahina Hashim, 42, berkata, dia terhidu bau busuk sekitar jam 3 pagi.

"Ketika itu, saya berasa tidak sedap hati kerana bingung bau kuat seperti bau



PELAJAR memakal topeng muka berikutan impohon bahan kimia di sungai berdekatan dengan Sekolah Kebangsaan Taman Pasir Putih, Pasir Gudang.



HARIAN METRO



GURU dan murid berkumpul di padang sekolah selepas diberitahu ada pencemaran bau daripada bahan kimia yang melimpah di Sungai Kim Kim berdekatan dengan Sekolah Kebangsaan Taman Pasir Putih, Pasir Gudang.

GAS BERACUN

Angkara lori tangki

■ Saksi dakwa ternampak kenderaan berat salur sesuatu ke sungai

Pasir Gudang

Ada saksi mendakwa ternampak lori tangki berhampiran jambatan di tepi Sungai Kim Kim menyalurkan sesuatu menggunakan hos ke dalam air.

Pengarah Jabatan Bomba dan Penyelamat Malaysia (JBPM) Johor Datuk Yahya Madis berkata, kejadian didakwa dilakukan sekitar jam 2 pagi semalam.

"Berdasarkan laporan, kawasan tercemar membabitkan lingkungan jarak 500 meter daripada sungai sepanjang 1.5 kilometer yang mengalir ke Sekolah Menengah Kebangsaan (SMK) Taman Pasir Putih dan Sekolah Kebangsaan (SK) Taman Pasir Putih di sini.

Menurutnya, anggota Balai Bomba Pasir Gudang dan Pasukan Khas Pengurusan Bahan Berbahaya (HAZMAT) dari Jabatan Bomba dan Penyelamat Malaysia (JBPM) Johor sebelum itu dihantar ke sungai berkenaan susulan laporan pencemaran kimia jam 5.15 pagi semalam.

APAKAH METANAM?

Kimia Metana adalah sebatian organik atau hidrokarbon yang juga komponen utama gas asli. Metana ialah dwigredat dan sukar untuk terbakar. Gas metana mudah menyerap dan terbakar. Bisa pelepas juga adalah antara sumber gas metana buatan manusia yang terbesar.

Metana menyebabkan keadaan persekitaran kita semakin panas dan penyumbang utama pemanasan global. Gas ini yang dicampur kimia lain bagi tujuan komersial menghasilkan bau busuk.

KESEKUTUPAN GAS METANA PADA KESEHATAN

Boleh menyebabkan paru-paru sekiranya dihidupkan bagi tempoh lama.

Daripada nasi menghidup dan nafas menjadi laju.

Kebakaran oksigen (asphyxial) hingga gagal bernafas.

Mual dan muntah.

Pengsan mendadak.

Kematian.

DAFTAR KESEKUTUPAN GAS METANA

DAFTAR KESEKUTUPAN GAS METANA

Katanya, maklumat diterima membabitkan bau disyaki gas kimia metana dari kawasan Sungai Kim Kim di sini.

"Hasil pemeriksaan awal mendapati terdapat kesan bahan kimia dan gas jenis metana (UN 1971) di sungai itu, katanya di lokasi kejadian.

Menurutnya, pencemaran itu bagaimanapun menyebabkan warga dua sekolah berhampiran mengalami tanda keracunan sekitar jam 9 pagi semalam.

Yahya berkata, tindakan pengosongan kawasan dilakukan dalam jarak 500 meter membabitkan 1,400 murid dan pelajar SMK Taman Pasir Putih dan SK Taman Pasir Putih.

"Pihak bomba menggunakan peralatan menyerap minyak bagi mengelakkan bahan kimia mengasilkan gas metana di sungai itu merebak ke kawasan sekitar.

"Schingga kini, Pasukan Khas Pengurusan Bahan Berbahaya (HAZMAT) sudah mengambil tiga sampel termasuk air dan tanah untuk dikaji kandungannya," katanya.

Dua sekolah diarah tutup tiga hari

Johor Bahru: Dua sekolah yang terjejas akibat pencemaran gas dipercayai metana di Sungai Kim Kim, Kota Masai Pasir Gudang, di sini, diarah tutup selama tiga hari bermula semalam.

Timbalan Pengarah Pendidikan Negeri Johor, Azman Adnan berkata, Jabatan Pendidikan Negeri (JPN) juga memantau rapi keadaan kedua-dua sekolah itu selain membatalkan semua aktiviti kokurikulum pada Sabtu ini.

JPN Johor akan memantau dengan rapi keadaan Sekolah Kebangsaan (SK)

Taman Pasir Putih dan Sekolah Menengah Kebangsaan (SMK) Pasir Putih selain beberapa sekolah di kawasan berhampiran.

"Kami akan memutuskan sama ada keputusan menutup perlu dilanjutkan ataupun sebaliknya pada hari Ahad ini," katanya.

Sementara itu pihak pengurusan SK Taman Pasir Putih yang dihubungi memaklumkan segera menghubungi Balai Bomba dan Penyelamat Pasir Gudang sebaik mengesan bau kuat gas di ka-

wasan sekolah itu.

"Pengurusan sekolah atas nasihat Jabatan Pendidikan Negeri Johor, dan Pejabat Pendidikan Daerah (PPD) Pasir Gudang berdasarkan prosedur operasi Standard (SOP) juga mengarahkan semua murid mengosongkan sekolah," katanya.

Sementara itu pihak pengurusan SK katanya, jabatan ini juga meninjau kasih kepada Permaisuri Johor Raja Zarith Sofya Sultan Idris Shah atas keprihatinan Tuanku berangkat ke Hospital Sultan Ismail (HSI) bertemu murid terbahit.

